



Universitätsbibliothek Paderborn

**Sancti Lvdovici Caroli II. Regis Siciliæ Filii, Ex Ordine
Minorvm Episcopi Tolosani Vita**

Sedulius, Henricus

Antverpiæ, 1602

Cap. III. De morbo eius & voto, quo se instituto D. Francisci adstrinxit.

urn:nbn:de:hbz:466:1-42834

cos plerumque efficit quos complectitur; &
quem nimium fouet, stultum facit. Atque
ideo infelix ille in quem nihil triste incurrit:
hic aut sibi ignotus, ut qui nunquam sui pe-
riculum fecerit; aut Deo inuisus, quem præ-
terit velut ignauum ad conflictum. Aduersi
aliquid eueniat oportet, quod probet virum.
sed magni animi proprium est, placidum
esse, & tranquillum: tristia quæque superne
despicere, humanosque casus virtute inferio-
res putare; calamitates mortalium sub iugum
mittere proprium est magni viri. Itaque in
Quibus ille melior euasit.
arenâ illâ tam salutariter exercitatus, in tan-
tum promouit, ut, postquam esset custodiâ
liberatus, adfirmauerit nunquam se rogasse
Dominum Deum, carcere liberari, præter
semel: hac tamen cautione, si esset salutare.
& quod magis mireris, noluisse opibus totius
mundi carcerem illum commutatum: po-
tiùs iterum repetere, in cuius gymnasio tan-
tum profecisset. Citabat huic fini illud
Prophetæ, *Lætati sumus pro diebus, quibus nos humiliasti; annis quibus vidimus mala. Vix enim sapimus nisi experti.*

CAPVT III.

*De morbo eius, & voto, quo se instituto
D. Francisci adstrinxit.*

LIcet verò in ipsâ captiuitate, tanquam al-
ter Tobias, viam veritatis non desereret; Tob. 1.
decreuit tamen diuina prouidentia, quæ ip-
sum

sum ad maiora seruabat, amplius probare & grauioribus molestiis exercere: ut variis tun-
sionibus perpolitus, formaretur in vas pre-
tiosum & electum. Quamobrem in arce ^{Morbo} Suranâ grauissimo morbo correptus, puru-
lentum & tinctum fœdo criore phlegma
cœpit eiicere, vt medici læsum pulmonem
suspicati sint. Ingrauescebat morbus in dies
magis magisque, sed maximè pridie Purifi-
cationis B. Mariæ virginis: adeò vt catharri
grauedine propemodum suffocaretur. Tunc
ad se rediens, vouet Deo pro salute, B. Mariæ
virgini matri, S. Patri Francisco, vitam & in-
stitutum Fratrum Minorum, seque in eo,
quoad viueret, perseueraturum. Voto reua-
luit, & patrocinio Sanctorum. Nec oblitus <sup>Voto sus-
cepto sa-
natur.</sup>
beneficij fuit: sed proximâ Pentecoste, Spi-
ritu sancto adflatus, summo manè in æde ar-
cis, ad memoriam B. Dei genitricis exstrœctâ,
quod secum tacitè promiserat, ad altare Do-
mini, apertè renouans, manifestè seipsum ob-
tulit Domino gratissimam oblationem &
holocaustum; consultius esse ratus Deo dari,
quàm sibi relinqui.

CAPUT IV.

In periculo mortis prodigiosè à morte seruatus,
mundo nuntium remittit.

ANIMI remittendi gratiâ, cùm ei copia
facta fuisset, & Roberto fratri, postea
Siciliæ regi, equis, armis, cursu & congressu

B 4 excr-